

2. LIGA PRIMEIRA DIVISIÓN SÉNIOR MASCULINA GRUPO "A"

2.1. EQUIPOS PARTICIPANTES.

Este grupo estará formado por 16-17 equipos da Comunidade Autónoma Galega e que serán os seguintes:

- Equipos descendidos da liga EBA da comunidade galega da temporada anterior.
- Equipos que manteñen a categoría.
- Os equipos ascendidos da tempada 2021-22.
- C.B. Cambre (acordo resolución Cte. Xustiza Deportiva da Xunta)

2.2. DATA DE INSCRICIÓN DE EQUIPOS

Data tope de inscrición: 28 de xullo ás 13.00 h

Todos os clubs que se inscriban nesta categoría, deberán ter inscrito ou vinculado un equipo Júnior Masculino.

2.3. XOGADORES.

A data límite para dar de alta a xogadores nesta categoría será a do 28 de febreiro do 2023. O número de licenzas para esta categoría será dun mínimo de 8 e dun máximo de 12.

2.4. ARBITRAXES.

As arbitraxes serán AUTONOMICÁS. Existirá un prorrateo xeral co fin de que cada equipo aboe a mesma cantidade por dereitos de arbitraje.

2.5. FORMA DE XOGO.

Primeira Fase:

Os 16-17 equipos dividiranse en dous grupos de oito ou nove cada un (Norte e Sur) distribuídos por proximidade xeográfica (14-18 xornadas).

Segunda Fase:

Os equipos clasificados do 1º ao 4º de cada un dos grupos formarán dous grupos (A-1 e A-2) de catro equipos cada un e xogarán polo título, e os clasificados do 5º ao 8º conformarán outros dous grupos (B-1 e B-2) e xogarán polo descenso. O formato de competición será liga regular (6 xornadas). A composición dos grupos será a seguinte:

Grupo A-1

1º Grupo Norte

2º Grupo Sur

3º Grupo Norte

Grupo A-2

1º Grupo Sur

2º Grupo Norte

3º Grupo Sur

4º Grupo Sur	4º Grupo Norte
Grupo B-1	Grupo B-2
5º Grupo Norte	5º Grupo Sur
6º Grupo Sur	6º Grupo Norte
7º Grupo Norte	7º Grupo Sur
8º Grupo Sur	8º Grupo Norte
9º Clasificado	

Fase Final 24/04/23

A fase clasificatoria disputaran os equipos clasificados nos postos 1º a 3º dos grupos A-1 e A-2, cos seguintes emparellamentos:

2º A-1 – 3º A-2 (eliminatória X)
2º A-2 – 3º A-1 (eliminatória Y)

1º A-1 – Gañador eliminatória Y (1)
1º A-2 – Gañador eliminatória X (2)

Finais: 01/05/23

Os gañadores das eliminatorias 1 e 2 xogarán polo título de liga e os perdedores por 3º e 4º posto da liga.

Perdedor 1 - Perdedor 2 (3º-4º posto)
Gañador 1 - Gañador 2 (1º-2º posto)

Os equipos que disputen a final conseguirán o ascenso a Liga EBA

Cruces Clasificatorias:

3º Grupo A-1 - 3º Grupo A-2 (5º-6º posto)
4º Grupo A-1 - 4º Grupo A-2 (7º-8º posto)
5º Grupo A-1 - 5º Grupo A-2 (9º-10º posto)

A Fase Final A, establecerá os 2 primeiros clasificados da competición sendo o 1º o que ostentará o título de Campión Galego.

Para establecer nas cruces clasificatorias en casa de quen se xoga o primeiro encontro terase en conta os seguintes criterios:

- 1º.- O equipo coa mellor orde clasificatoria no seu grupo.
- 2º.- O equipo co maior número de vitorias.
- 3º.- O equipo coa maior diferenza xeral de tantos a favor e en contra.
- 4º.- O equipo co maior cociente xeral de tantos a favor e en contra.
- 5º.- O equipo con máis tantos anotados.
- 6º.- O equipo con máis tantos anotados como visitante.

Para designar as sedes destas Fases a FGB, a través do seu Comité de Actividades emitirá unha circular para a organización das mesmas.

2.6. ASCENSOS E DESCENSOS

Descenderán á Liga de 2ª División Sénior Masculina os equipos clasificados no posto 4º dos grupos B-1 e B-2, así como o equipo clasificado como peor 3º, se descendese un equipo galego da liga EBA, e así sucesivamente, se os descendidos fosen 2 ou máis. En caso de se producir ascensos, descensos ou renuncias, estas cubriranse seguindo a orde establecida no artigo 125 do Regulamento Xeral da FGB. Se unha vez comezada a competición se retirase algún equipo ou fose descualificado pola FGB, cubrirase a vacante cunha das prazas de descenso.

Os equipos clasificados en primeiro e segundo posto da Fase final obterán o ascenso a Liga EBA e será o considerado o Campión Galego da categoría.

2.7. DATAS DE XOGO

Fins de semana correspondentes ás seguintes datas:

1ª Fase:

Outubro: 9,16, 23, 30

Xaneiro: 15, 22, 29

Novembro: 6, 8, 13, 20, 27

Febreiro: 5, 12, 19

Decembro: 4, 11, 18

2ª Fase:

Febreiro: 26

Abril: 2, 16, 23, 30

Marzo: 5, 12, 19, 26

Maiο: 7

Final A4: 16 e 23 abril.

2.8. DATAS DE SORTEOS

Primeira Fase: 1 de setembro ás 11.30 horas na sede central da FGB.

Segunda Fase: 20 febreiro ás 11.30 hrs. na sede central da FGB.

2.9. HORARIO DE XOGO

Os encontros terán que disputarse nos seguintes horarios:

Sábados: 16.00, 18.00 e 20.00 horas e domingos: 10.00 e 12.00 horas e 17.00 h e 19:00 h.

Sempre que o equipo local fixe como horario de xogo as 10.00, e o equipo visitante así o requira terá que fixarse como horario de xogo o sábado ás 16.00, 18.00 ou 20.00, e domingo 12.00, 17.00 e 19.00 h, sempre que o equipo que se despraza o fai dende máis de 100 km. por traxecto, previa solicitude por escrito con, polo menos, 7 días de antelación.

O Comité de Actividades da FGB poderá fixar o horario das dúas derradeiras xornadas daqueles encontros que poidan influír na clasificación.

Modificacións de data, campo ou horario:

Obxecto Modificación	Prazo Recepción	Conformidade	Cota
Data	Máis de 1 mes	Si	00,00
Campo	Máis de 1 mes	Non	00,00
Hora	Máis de 1 mes	Non	00,00
Data	Máis de 15 días	Si	00,00
Campo	Máis de 15 días	Non	00,00
Hora	Máis de 15 días	Si	00,00
Data	Máis de 9 días	Si	75,00
Campo	Máis de 9 días	Si	75,00
Hora	Máis de 9 días	Si	75,00

Excepcionalmente e por causas de forza maior, a xuízo fundamentado do Comité de Actividades da FGB, este poderá autorizar algunha solicitude fóra dos prazos sinalados, sendo requisito indispensable para a súa consideración recibir na FGB o día da petición, a cota de 100,00 euros e a conformidade do equipo contrario.

2.10. TERREO DE XOGO

Cada club participante deberá contar cun terreo de xogo que estea catalogado como NIVEL 1 dentro da Normativa de Terreos de Xogo.

Nos encontros nos que participen equipos que realicen desprazamentos e en caso de suspensión do mesmo por inclemencia atmosférica ou por calquera outra causa, este deberá celebrarse, obrigatoriamente, dentro das dúas horas seguintes á marcada para o seu comezo. Así mesmo, se un club ofrece como cancha reserva de Nivel 1 para casos de inclemencia atmosférica, o partido deberá disputarse dentro do prazo sinalado anteriormente. Se finalmente e por falta de previsión do equipo local tivese que suspenderse definitivamente o encontro, o equipo local perderá este sen descontárselle puntos na clasificación e sen que se considere incomparecencia.

A FGB recomenda a todos os clubs que sexan propietarios de terreos de xogo cubertos e pechados que, dentro das súas posibilidades, utilicen nos mesmos canastras de pé, así como que teñan reposto de tableiros para o caso de rotura accidental.

Os Clubs deberán cumprir as prescricións previstas pola lexislación vixente no referente á prevención da Violencia nos Espectáculos Deportivos e serán os responsables da seguridade de xogadores/as e árbitros no que respecta ás instalacións deportivas, poñendo os medios necesarios para evitar accidentes extradeportivos no transcurso da actividade.

2.11. BALÓN OFICIAL DE XOGO

O balón oficial de xogo para esta categoría será de coiro da marca MOLTEN. Non empregar o balón oficial levará consigo a sanción prevista no regulamento disciplinario.

2.12. OBRIGAS ESPECÍFICAS

COMUNICACIÓN DE RESULTADOS E ACTA DO ENCONTRO

Utilizarase a “Acta Dixital”. Para isto os equipos deberán poñer a disposición do equipo arbitral unha TABLET (non un teléfono móbil, xa que, se non, haberá problemas de compatibilidade e visionado da pantalla que impedirán o correcto uso da APP), con sistema operativo Android e acceso a internet.

Para isto, será preciso descargar da APP a acta dixital FGB dende a seguinte URL: <https://actadigital.fegaba.com/>

Se non é así, considerarase que non teñen os elementos técnicos necesarios para a celebración do encontro.

De non poder utilizarse a acta dixital o árbitro principal está obrigado a introducir o resultado o mesmo día do encontro na oficina Web, así como copia do acta.

GRAVACIÓN DOS ENCONTROS

O Comité de Árbitros da FGB solicitará, cun mínimo de 10 días de antelación á celebración do encontro, a copia da gravación do partido que poderá ser entregado en formato dixital tipo We-transfer ou Dropbox, ata un máximo de TRES gravacións por temporada.

Esta filmación deberá incorporar integramente as imaxes e son do encontro, dende tres minutos antes do comezo do partido ata a retirada dos equipos e árbitros aos vestiarios, ao final do mesmo. Non obstante, é recomendable que a gravación se inicie coa chegada dos árbitros ao terreo de xogo (20 minutos antes do comezo do partido).

As imaxes e son deberán ter a calidade suficiente para que este poida ser visto de xeito correcto. En caso de non ser así, non será considerado como válido e requirirase ao club para unha nova gravación dun encontro diferente. Se esta anomalía se volve a repetir sería considerado como incumprimento das condicións indicadas neste artigo.

Será remitido ao CGAB por correo electrónico a arbitros@fegaba.com, ou ben a través das súas delegacións, no transcurso dos 8 días seguintes ao encontro.

Non enviar a gravación nas condicións indicadas neste artigo, suporá unha sanción por parte do Comité Disciplinario.

Recoméndase a todos os clubs que fagan constar no dorso da camiseta de cada xogador o seu nome en caracteres de cinco centímetros.